

# 清朝治理新疆方略彙編

主編 張羽新  
副主編 張雙志

趙曙青

整理編纂 張羽新 張雙志

第十六冊

學苑出版社

平定關隴紀畧卷九

同治九年夏六月

欽差大臣太子太保督辦陝甘軍務陝甘總督部堂一等恪靖伯左 駐節平涼維時東竄逆回既靖出掠之眾亦殲

金積堡宜可速下矣第進剿祇東面一路尤應厚集兵力而由中衛進兵則有峽口之阻必先奪峽口以扼賊吭由固原進兵則以馬家河爲總要以韋州爲間道必先清馬家河以保運道守韋州以遏賊衝方足以制其死命馬家河回民頭目軍功監生馬忠海性本兇狡從前曾受馬化澂誠正王偽

平定關隴紀畧卷九

卷九

一

封就撫以來陽順陰逆屢囓其黨剗掠官運嫁禍陝回並藏匿河逆海隆李山珍等與馬化澂潛相勾結周紹濂悉其奸狀且稟卽密飭周紹濂誘馬忠海赴平涼飛令馮桂增潛率所部馬步三營徑擣韓家水巢穴馬忠海至平涼訊詰奸謀堅不承認適馮桂增稟到六月初一日抵韓家水布隊圍下中上西南東南五堡將巢穴次第攻破生擒惡黨回目馬繼會等十一名並河逆海隆一名逆回三百餘名訊實概予斬決搜出疊次搶掠軍裝號衣帳房數百件據錄送馬存先供詞馬忠海刦掠戕害弁勇行人及與河州金積堡各逆回交

通情事一一確鑿並搜出各處逆信多件馬忠海無可狡賴

乃磔之平涼傳首固原等處示眾韋州堡管事回目蘇兆明本金積逆黨綽號小光棍曾受元帥僞職其姪蘇文榮亦號二元帥前因官軍進剿道出韋州蘇兆明乞撫暫釋未誅乃蘇兆明仍持兩端凡由金積堡出竄之回往返皆由韋州經過蘇兆明窩留屯紮供給資糧良回馬柏森嘗以爲言左

因飭丁賢發進扼韋州就便掩捕六月二十三日師抵韋州賊已聞風先遁丁賢發駐營堡外自帶親兵百人入駐堡中密察逆黨蹤跡伴與約期議事七月初二日蘇兆明蘇文

平定關隴紀畧卷九

卷九

二

榮蘇韋阿渾海滿德僞百長蘇隆揚蘇漢馬正德金玉美何生靈王有泗蘇三甘昌畢集丁賢發數其受撫後交通馬化澂馬正和崔三謝四之罪斬之一面出示安撫回民令各安堵無忍有身之患詎匪遠仿黃鼎曾王增恩流口路諸軍進攻峽口此時值麥穗將熟馬化澂穆生花旣乞撫不得遂嗾老弱回民赴湘皖兩軍前乞執板橋琴橋吳忠一帶廢堡暫架棚廠居住以便耕作劉錦棠等商定姑漫應之靈州首逆王洪又請修秦渠之隄放水蔭田亦暫許之數日後果有回民百餘試修官軍相戒勿動是夜五鼓劉錦棠率隊分三支

一伏永甯洞一伏下橋一伏渠北伺之至次日巳刻王洪明王忠等果糾大小回目帶壯丁數百名齊來修隄比至永甯洞下橋中間伏兵突起生擒王洪及送回二百數十名餘悉殲除無一脫者訊據獲賊金海鼐供稱犯本四川勇丁投入賊營充保全營百長此次王洪留兄王鵬守寨所有大頭目楊明王忠偽參領楊添默白珠強馬學古楊天龍王先友偽先鋒馬英楊珠秀等以爲官軍中計趁此奪回下橋與板橋琴橋及棗園廢堡聯絡一氣將官軍截爲兩段不料自墮官軍計中訊畢斬之察看波浪湖水勢甚漲永甯洞既經官

平定關隴紀畧

卷九

三

軍堵塞馬八條馬七兩堅寨均被積水淹透遂商定乘漲攻之六月初二日三更劉錦棠率隊梟水攻馬八條寨金運昌攻馬七寨五鼓克之據擒賊供馬七馬八條均馬化澂之弟四月初旬已逃入金積此股係馬生彥夥黨上年馬生彥竄河州時此股經官軍截斷折回金積堡向馬化澂乞糧馬化澂每日按人給糧三合令守兩寨今此股已盡矣而王洪楊明伏誅後餘黨猶踞其寨招致陝回乏食者助其拒守時中路胡家堡洋麻湖海子墩大沙井之麥漸熟劉錦棠料賊必將搶收初七日約金運昌出隊刈麥是夜五鼓率馬步各十

營並吉林馬隊金運昌馬步隊齊向楊明各寨進黎明已至各寨正放牲畜官軍橫出截之殪其人奪其畜餘仍退縮入堡劉錦棠縱丁夫割麥盡日而歸次日五鼓抵王洪寨賊倚寨以拒而令其眾割麥官軍頓旗不動俟其所割漸多縱馬隊衝之盡獲其所有而還是夜會商進攻靈州西十里之杜家寨初九日黎明至其處賊已憑牆列隊相待至一時許南面賊稍卻縱而擊之遂拔其寨人盡殲焉回途經王洪寨南縱令割麥並調靈州難民同割收隊駐吳忠堡初十日割胡家堡之麥破其二卡陣斬逆目馬隆焚其卡始收隊十二日

平定關隴紀畧

卷九

四

會攻王紅連寨寨中守禦極周官軍帶傷者已眾幸寨外禮拜寺頂高與牆齊因令就其頂砌牆留孔施放鎗礮官軍豎梯而登賊復傾撒麥粥鍋盔齊下進至六七次稍稀乃賊賊少處捲旗躍上壯士隨之首逆王紅連伏誅賊始紛遁乃毀其寨是役譚拔萃肩被磚傷李雲貴腿中鎗子傷勇丁傷亡百餘人攻堅之難如此十三日馬步分三路由胡家堡至王洪大寨斬殺已多稍憩齊隊衝殺破大寨外卡並搜各堡積麥而還於是送回所種之麥存者幾希而糜粟膏粱彌望亦賊之糧也因議一併割之十七日刈青於洋麻湖余虎恩飛

報正南山邊賊隊紛出立飭各營截勦擒斬極多訊擒賊供始知此股係寄居陝回並無頭目之食已久欲由郭家寨繞橫城渡河買糧者也郭家寨者賊赴河西取糧之路也遂於十八日往攻苦戰逾時克之寨中之人殲焉十九日連克王洪寨據寨賊供此股係余彥祿之黨頭目卽已斃之楊幅其黨已盡於此矣官軍並刈其青而還大寨既克小莊自易於是胡家堡東北胡家堡以西及大沙井一帶小堡其人斃於鎗矛其稼悉就芟薙而士之陣亡者咸奏蒙

卹典焉南路河狄各回自四月負創歸後復竊出渭源而南

平定關隴紀畧

卷九

五

意圖牽綴官軍使不得併力於金積也周開錫飭傅生宗由鞏昌進取而令王得勝彭忠國梅開泰湯聘珍各率所部繼之飭楊世俊田連考等由秦州出伏羌比傅先宗進至丁家門賊眾已蔓及汪家衙王家河石灰溝矣連日進勦斃賊一千餘名擒斬賊目麻曜廷等百餘名賊竄伏羌之禮辛鎮楊世俊馳至賊又竄甯遠之樂善鎮柏家山大石頭官軍分途進勦一創之於大草川再創之於禮縣之馬鳴迨賊遁關周開錫已先派管春林平宗岳軍先至大被截殺據逆目馬轄比馬生兒等供河回馬俊麻曜廷馬六十及叛附狄河之

平定關隴紀畧

卷九

六

鞏昌逆回馬一麻張二司務鹽關逆回馬元等六七千眾分爲大小四股本圖由鞏昌禮縣甯遠走徽成擾甘南腹地崔三馬朶大師等隨後踵至不意連遭痛創馬俊麻曜廷斃於甯遠下川馬元墜巖馬一麻斃於大石頭餘眾冒死西趨不復成股傅先宗遂合王得勝彭忠國何建威等馬步二十二營鼓行而西抵首陽城誦逆眾千餘竊踞渭源城中陝回與狄河各回正爭糧私鬪聞官軍至惶懼思遁傅先宗等遂收復渭源縣城乘勝奪一桿旗之險就地築壘距渭源十里狄道百里爲西南一大關鍵周開錫令梅開泰分營扼之諸軍一意進攻六月初二日傅先宗王得勝彭忠國何建威等分三路進遇逆首六阿渾禹得彥等憤戰之賊大戰於狄東三十里鋪捷焉沿途賊卡悉平遂直薄城下王得勝衝入北門傅先宗入東門巷戰逾時賊敗由西門狂竄越洮河而西官軍感之斃其眾畧半牟佛諦守堡之賊開門乞撫傅先宗麾軍急進殘賊敗入堡中官軍躡之立復牟佛諦堅堡餘賊梟水逃竄而洮岷一帶周開錫原派范銘一軍分駐秀石關酒店子木寨嶺等處敗賊竄至喇嘛口范銘整隊迎擊賊敗竄秀石關官軍由鐵鼓溝大車廠搜斬而西斬殺極多生擒河

州賊目阿洪議布納等賊遁歸巢復喊其黨犯洮州糸麻亦爲副將張廷秀土司楊元所創此次南路大捷經左 穆

圖善會奏奉

旨獎卹如例而規取次第必先甯靈而後河湟亦縷陳

聖鑒焉值陝北零匪逐漸殲除陝撫蔣志章同時陳奏於是東路無虞不致再分兵力而北路劉錦棠黃萬友金運昌等亦知中路之軍必將奮力合剿因益籌進攻之路兼絕賊中之糧以期速蕲厥功緣金積正北之蔡家橋跨秦渠之東賊設卡於橋西半里迤西而北而東南爲長隄隄之外引秦渠

平定關隴紀畧

卷九

七

馬連渠之水爲濠環之非奪蔡橋水口不能薄金積也六月二十八日會同金運昌馬步越秦渠列陣分兵扼蔡橋水口立營正部署間金積堡秦壩關棗園堡各寨之賊傾巢而出官軍前隊屹立待戰後隊趕緊修壘午後賊爭水口益力官軍悉銳向賊寨猛進馬隊橫截而出賊敗退回寨日晡壘成分營駐之官軍既得水口遂圖平沿濠賊卡七月初四日三鼓劉錦棠潛師夜起令軍士各攜草束至卽填濠而過就地築壘分馬步兩支鈔出以護砌礮臺之隊乃各堡角聲四起賊黨分布寨邊擄戰官軍俟其盡集分數起突擊之賊向金

積敗遁初五日黎明賊仍蜂出瞥見金運昌所部各隊恐截其後乃縮入寨中官軍踏毀長隄數十丈分營駐守而還其毗連蔡橋者爲棗園堡迤西有小何家寨寨東爲蔡家寨皆濱大河劉錦棠察其形勢可急攻而下初七日約金運昌馬步各攜攻具先攻小何家寨一鼓拔之蔡家寨賊見鄰寨已破慌向大何家寨遁走官軍縱馬鈔殺步隊奪門而入斬逆目何登榜及其眾五百餘名棗園金積援賊見兩寨齊破鼠竄而遁馬化澗恐官軍逼攻愈緊復於卡西築築澗水旁溢以阻官軍初八日黎明湘皖兩軍馬步會合向蔡橋而進金

平定關隴紀畧

卷九

八

積秦壩棗園之賊排列堡前金運昌率隊沿渠堰列陣劉錦棠率隊一列渠南一列渠北騎賊鈔過北面步賊繼至雙壽余虎恩躍馬突陣斬騎賊甚多各路一齊猛撲鏖戰兩時賊大敗狂奔而西初十日會割棗園堡北之麥襲攻周家寨垂破之際忽金積秦壩大股來援官軍敗之取其麥而還十五日下攻王洪寨金運昌詐敗誘賊賊果出隊遠追約四里許劉錦棠馬步橫出截賊爲兩金運昌轉旗突擊賊之前股盡殲雙壽敗東面之賊擒斬亦多據擒賊供王洪寨首逆王鵬已被矛刺墜墜而死僅尾股遁入北門所存亦無幾因日已

暮收隊而還自賊隄成後路多積潦仍礙馳驅因商定扼紮賊隄逼水反灌十三日傳令步軍由東南鳧水前進皖軍從左湘軍從右賊沿隄開礮抗拒各路奮威衝殺賊望風而潰官軍登隄即起砌礮臺一面嚴陣以待金積秦壩各賊果傾巢而出官軍俟其近以鎗礮輪轟賊敗而復前者十餘次薄暮復糾大股悍黨索戰官軍齊奮壓剿直薄金積卡前賊始拋械而遁是役擒斬更多據供馬化澂喉陝回余彥祿陳林馬老五馬長順馬必政沙學賢馬政國各選悍賊以決死戰圖奪長隄不料連敗訊畢斬之十四日壘成決水反灌賊復

平定關隴紀畧

卷九

九

築隄禦之而馬連渠上新立三壘亦賊近日之所築偽參領金嶺踞之以與官軍板橋營相抗二十二日五鼓徑擣其中一壘預令陶定昇易致中伏壯士於膏梁叢中賊開壁放牲畜伏起奪門而入大冢遺之賊之尋兇者年立壘官軍隻隻偽檄係飭偽協領何生洲偽參領馬兆圖金嶺等助逆目王鵬者也據賊供金嶺已中礮死馬兆圖即馬八條之子並陝回李長春均斃於初八日之陣官軍進攻左右壘方麾軍與援賊酣戰間而右壘已破士氣倍奮乘勝再撲左壘賊仍拚死救之乃調開花礮環轟炸彈衝入壘中賊始亂併力撲之

遂克於是縱兵四出進攻馬連渠之李花橋踏毀大小賊卡十一所自是金積與王洪胡家各堡聲息不通而河西糧路亦斷官軍增壘於金積堡正東賊眾放鎗以拒鏖戰終日而壘始成訊之擒賊知逆目何標馬允吉均於十二日破壘伏誅而連日所斃之賊約近二千二十五日官軍見金積賊眾紛紛西趨急捕賊訊之知中路雷正綰黃鼎諸軍已奪峽口之險劉錦棠亦乘機攻李花橋迤西賊寨金積堡仍出步賊入寨助守攻未卽下申初西路塵氛大起劉錦棠知爲敗歸之賊撤攻堡隊伍截之斃賊無數而日已夕劉錦棠知中路

平定關隴紀畧

卷九

十

諸軍已集團攻期將不遠遂連日督隊收其秋稼惟李花橋之戰總兵趙彩照臨賊至金積濠邊額顧中大礮子登時陣亡實爲可惜此北路六七兩月戰狀也中路諸軍旣奉教於日荷之日月其齊七月初四日誦偽領員袁希義綽號皮英者率悍賊入張恩堡是夜各派馬步襲之初五日黎明至其堡賊已驚覺官軍搶入外堡賊焚薪於門誓死守半日未下而金積援賊又至乃分兵截擊仍併力攻堡壯士登而復墜乃令環濠築壘而暗掘地道攻之初六日悍賊開壁突圍官軍遮擊得脫者實鮮乘勢搶入堡中搜斬淨盡袁希義既

得免奪路狂奔徐占彪所部張永興張占彪追捕之據供本先鋒袁希孟所踞因奉調歸金積馬化隆急喉袁希義死守以固峽口訊畢將希義正法軍前袁希孟乃降而復叛之賊叛後助惡加厲河南北屢受其害至是袁希義伏誅羣情爲之大快時提督陳廣發已率所部扼峽口北岸初十日截刦糧之賊畧有斬獲而雷正綰諸軍亦進牛頭山逼峽口而壘徐文秀復奉檄至會師牛頭山二十二日黃鼎約陳廣發進兵唐渠口是日馮南斌率隊斃刦糧之賊於八塔山據擒賊供逆目馬四子已溺河中二十四日黃鼎雷正綰等會攻峽

平定關隴紀畧

卷九

十一

口徐占彪督陳春萬朱蘭亭先進戰方酣而金積迤西各堡援賊至黃鼎督提督黃有忠何玉超黃虎臣陳攀仙趙興隆遊擊李洪超李登高等扼牛頭山右截之徐文秀各軍爲策應當援賊之敗轉旗助勦峽口陳廣發令馮南斌等亦於隔河用鎗礮排轟賊勢不支遁入壘中徐占彪所部躡之入壘徐文秀率總兵蕭寶林遊擊陳締高繼之連破二壘雷正綰聞定邦各營復破其三殘賊東逸黃鼎派隊急截之無一漏網擒賊供稱逆目王大開丁逢翔馬紀成均斃壘中矣峽口既得秦漢馬連三渠之首皆爲官軍所據二十八二十九等

日金積出馬步萬餘列隊古靈州城護賊於秦漢兩渠中間築卡濬濠以抗官軍黃鼎雷正綰會商先奪古靈州城三十日徐占彪徐文秀越漢渠立壘既成徐占彪夜襲賊卡破之乘勝搶入古靈州城八月初一日黎明馬賊沿山包裹而來步賊分股伏漢渠隄下雷正綰麾隊迎擊馬賊徐文秀各營合擊步賊黃鼎率大枝傍渠布陣以防伏賊馬賊敗而復前雷正綰正揮刀督戰徐文秀隊伍一齊撲上馬賊不支沿渠步賊遽起挺矛直前徐文秀橫貫賊陣縱橫抉賊大敗歸巢屍骸枕藉官軍薄暮收隊初二日再戰於乾渠頗有新獲

平定關隴紀畧

卷九

主

初三日五鼓黃鼎徐占彪挑選壯士直撲賊卡賊自夢中驚起倉皇狂遁官軍搶過賊濠守濠之賊不敢抵拒爭入丁家堡官軍躍至堡根卡內礮石雨注未能卽克徐占彪卽扼卡而營雷正綰列隊濠外更番仰轟徐文秀施放後膛開花大礮炸彈飛落卡中各營乘勢一躍而入卡中賊盡殲堡賊猶憑牆以抗黃鼎令各營繞漢渠出中空之地築壘斷金積援賊徐文秀復開後膛大礮堡中賊眾慌亂遂突圍而出將趨金積堡雷正綰徐文秀催隊從堡牆缺口躍入遇賊卽斫搜殺無遺其先時逸出之賊黃鼎督各營殺之幾盡據擒生賊

常愷供本靈州廩生同治二年陷入金積者馬化澁以丁家堡地形扼要嗾逆子耀邦建邦領悍賊駐守初一二等日悍目楊大娃子丁永等均經陣斬馬耀邦敗走洪樂堡此堡破時逆目丁一剛伏誅開壁遁者逆孫馬進孝也初四日官軍分途攻勦連克大小逆堡二十餘座逕逼洪樂堡立營此中路由峽口進攻戰狀也兩路疊捷同日馳奏在事尤爲出力各員均蒙

敘獎餘亦准擇尤酌保陣亡者

賜卹如例自是金積逆勦可以兩路夾攻矣七月三十日金平定關隴紀畧

卷九

主

運昌襲秦渠迤北賊卡克之丁韓各寨援賊皆被創而退八月初一日黎明金運昌之軍攻正西韓家寨破寨外二小壘乘勝越秦渠衝入西南各賊卡賊鼠竄而逃遂平毀其卡是時劉錦棠及雙壽擊賊李花橋將各莊內外賊眾一律殲除正會同追勦適金積之賊突出應援劉錦棠金運昌麾隊奮擊賊大潰劉錦棠縱馬隊步軍追至馬連渠金運昌追至金積堡根克秦渠水口兩卡而還初二日商定綠蔡橋溯秦渠而西令馬步同進賊見官軍雲集秦壘狂遁馬隊正追殺間秦壘關之西突出賊騎數百劉錦棠截之訊之擒賊始知爲

中路勦敗東奔者嗣是連日收割秋稼初四日金運昌率隊襲何家大寨遞進環攻至初五日黎明按隊稍憩賊從堡內鑿小竇遁出官軍佯爲不知俟其漸多縱馬步猛鈔得免者少乘勢劈寨門而入見寨內屍骸枕藉訊擒賊供知逆首何一會已伏誅劉錦棠雙壽遂督隊割胡家堡之麥王洪等堡悍賊救護皆敗而遁收隊回營得中路各軍逕逼洪樂堡之信卽繞赴黃鼎雷正綰營中會商定計先奪秦壘關以聯絡西北官軍營壘而斷馬家灘接濟之路十二日劉錦棠金運昌雙壽等各督所部直指秦壘關賊眾悉銳以抗官軍三路

平定關隴紀畧

卷九

西

衝擊賊勢披靡臨至秦壘關西黃鼎雷正綰徐文秀皆至賊狂奔四散迨官軍收隊賊復回撲各營夾擊之賊始敗遁訊擒賊供余彥祿之弟偽副帥余彥喜已中礮斃於陣中於是劉錦棠再築壘金積堡東賊畏官軍之逼亦於堡東添築卡壘族黨死拒十三日徐文秀率所部帶後膛開花大礮螺絲礮會合北路馬步各營進攻甫抵賊壘金積堡傾巢而出一面分兵堵勦而以大礮轟其壘壘牆洞穿賊眾稍亂軍士擲草填壕壘中木石俱下援賊亦合勢來撲官軍併力壓之乃毀其卡乘勝從礮眼探升格關迤時乃悉就戮據擒賊供礮

子落壘中斃傷數十眾懼思遁馬化澹三傳偽令止之逆目楊洪傑梁惠一亦拚死抗拒壘破伏誅立派隊駐其壘自連破賊壘進駐之後距東關賊寨僅百步十七夜劉錦棠令軍士銜枚襲之寨賊驚覺鳴角放鎗金積悍賊謾起劉錦棠伏兵西南護築礮壘而以大枝擊援賊火器迸發夜明如晝相持至五更援賊敗遁而礮壘亦成十八日天明金運昌隊伍齊至寨牆經大礮轟裂守賊慌亂軍士乘之克其外卡遂從寨牆缺口躍入拔之寨中包小寨甚多賊皆棄之而走馬隊攔途遮截復跟蹤搶入東關賊憑街口死鬪軍士短兵巷戰

平定關隴紀畧

卷九

五

馬隊鈔過東關之北賊眾失措乃護眷向寨東狂遁棄輜重滿道官軍將寨卡二十三座次第踏毀焚鋪屋三四千所十九日調敗賊護眷踞金積南門牆根與李花橋迤西賊寨爲犄角二十日黎明劉錦棠會師進剿各寨逆眾排列官軍步隊分數路布壘陣馬隊取遠勢鈔之衝殺里許逆眾仍返旗回撲各營揮刀斫陣奮勇齊進賊始敗潰乘勢攻拔各寨卡自是金積東南北三面蟄穴埽平劉錦棠壓東關而壘俯瞰賊巢而中路諸軍自進逼洪樂堡後賊黨連日增築卡壘與各寨聯成一片爲堅護洪樂堡之計蓋馬化澹祖墳所在俗

傳風水有異者也黃鼎雷正綰會商必先攻破老馬家各堡而後可圖洪樂初八日各軍會圍老馬堡凡晝夜一周連放後膛大礮牆裂丈餘軍士乘機猛撲平其外濠賊眾力捍牆缺至初九日洪樂各堡起援黃鼎乃督何玉超等從米姑寺逕襲洪樂堡之虛雷正綰督劉治均等隨後策應洪樂援賊悉回堡拒守陳攀仙趙興隆督隊跟蹤躡殺何玉超等繼之見金積援賊兩路包鈔洪樂敗賊亦回頭死關各營勢幾不支黃鼎急令黃虎臣率隊橫貫賊陣雷正綰令馬隊下馬持手台步隊盡力衝殺徐文秀派隊從老馬家堡旁出以截援

平定關隴紀畧

卷九

六

賊各軍士奮威壓勦賊眾大潰鼠竄歸巢老馬家堡之賊見外援已絕勢已垂危慌亂失措徐文秀蕭寶林執旗先登徐占彪繼之遂拔其堡堡賊無一脫者初十日進石屹塔平賊壘三座割其秋稼徐文秀移駐之自是中路北路營壘以通十二日各堡賊紛紛東竄黃鼎等方督隊攔截而劉錦棠金運昌已自東而西兩面鈔擊賊之生還者實鮮十六日各軍協力攻田家橋賊壘黃有忠護大礮對賊壘緊轟裂其牆垣雷正綰麾軍躍入遂拔其壘官軍正內外鈔殺金積洪樂援賊大至黃鼎徐占彪迎擊洪樂之賊徐文秀彭清和等軍擊

金積之賊塵戰逾時蕭寶林躍馬斫陣軍士競奮從之兩路之援大潰黃鼎麾軍撲附近各壘陳春萬等帶隊平濠冒險力攻克之黃鼎進軍田家橋馬化澂復遣其弟馬玉澂陝回西彌頭目普洱馬阿洪赴黃鼎軍前哀詞求撫黃鼎諭令先繳馬械毀平堡寨馬化澂求官軍暫退峽口黃鼎不許連日金積堡眾逆趨西門其向滾泉羅山竄遁者黃鼎亦令駐韋州滾泉馬家河各軍截之疊有擒斬二十三日徐占彪攻克洪樂堡外兩小寨連日進攻洪樂堡賊守備甚周外援皆盡官軍更番疲之而死抗如故逆賊知官軍已逼罪無可逃故

平定關隴紀畧

卷九

七

戰益加厲何玉超李洪超陳春萬李全貴等均負重傷陣亡并丁更多陳奏奉

諭北中兩路各軍均整從優

獎卹值幫辦軍務頭品頂戴記名提督瑚松額巴圖魯萬友積勞成疾於八月初七日歿於營次附片陳奏奉

旨賞給一品封典照提督在軍營立功後病故例從優議卹加恩予諡附祀劉松山原籍及死事地方專祠以慰忠魂而金積堡勞師日久亦奉

嚴旨責催故攻勦益急八月二十一日劉錦棠以東關既克

當掘濠築牆鎖圍以困之商定湘軍由東北掘東南兩面皖軍由東北掘正北一面二十四日興工賊初撲皖軍金運昌督隊且掘且戰劉錦棠派隊由西門截之賊始潰遁入堡午後復出大隊攜帶鉞鋤意在拚死填濠金運昌停工猛進鏖戰一時之久賊始大敗二十五日金運昌預伏精銳而以羸弱赴工賊自牆頭覘之以爲無備也馬步蠶擁而來勇夫棄鋤佯遁誘近濠邊伏兵突起賊即敗遁據擒賊供余彥祿之弟余彥壽馬正和逆目馬光貝等均斃於此戰是時峽口既得官軍堵塞渠源凡渠皆涸前此阻水之永甯洞馬家兩寨

平定關隴紀畧

卷九

太

俗呼爲雙桅桿又名油坊寨非船不能來往者至是已與陸通二十七日劉錦棠令董福祥等夜襲之以四鼓往登時破其寨寨頭馬重生縋牆遁入油坊寨僅以身免二十九日加派譚上連陳宗蕃等率馬步助之亦應手而克寨內搜殺無遺兩寨之破前後凡三日計兩軍所掘之濠已深丈餘寬二丈牆上亦累高八尺餘矣乃派隊分段以守九月初一日議攻西門外支帳護堡之陝回五鼓潛師夜起劉錦棠會同雙壽率所部銜枚疾馳沿馬連渠直上西南三里許分派何作霖王承贊李樹棠等由左羅照昇朱德開周國勝潘鳳翔等

由右其餘各營潛伏渠旁馬隊齊進左路之左以備鈔殺金運昌亦於五鼓出隊接應黎明左路逕薄西門火器環施回眾驚呼回竄馬隊兩旁鈔殺無從漏網忽金積堡牆鎗噉紛注甘回縋牆下撲劉錦棠飛令伏軍分兩路衝出接應而關外卡中之賊突出鈔湘軍之後金運昌督隊迎擊賊甫敗潰忽金運昌帶傷落馬賊復回撲張懷玉高得勝率所部橫截將賊擊退忽洪樂堡騎賊越馬連渠而南金積堡復出步賊直犯正南官軍馬隊迎擊騎賊董福祥等趨正南與步賊接戰雷正縮黃鼎各軍急出洪樂堡前以掣賊勢賊始敗退初

平定關隴紀畧

卷九

九

四日劉錦棠親至中路晤商黃鼎雷正縮徐文秀合成鎖圍湘軍於金積西南再紮兩營中路各營由洪樂堡分營東向修壘掘濠以期聯絡一氣初五日午刻劉錦棠正欲出隊忽飛報金積逆回悉數西趨徑撲中路各軍劉錦棠知會皖軍帶隊馳往金運昌亦裹創督隊截擊金積援賊賊見前後皆官軍縮胸不前黃鼎雷正縮徐文秀督軍壓之湘皖兩軍夾擊賊敗入西關伏巢屢日各軍得一意修壘回眾見官軍日逼惶懼益甚十二日黃鼎徐文秀正督軍移營逆回忽出大股來犯劉錦棠金運昌率各營馳往鏖戰逾時賊仍縮退入

堡訊逃出難民供稱陝回急謀竄走劉錦棠金運昌各營以五成站隊守濠每夜躬親查閱十三夜四鼓回逆循堡南折趨東南撲近長濠各營轟擊而退旋聞西面鎗噉更緊派弁偵之報稱陝回二千餘人由西南衝出劉錦棠金運昌派隊馳追一面攻余彥祿賊堡一鼓克之辰刻追騎回營據稱追至十餘里見人馬蹤跡折轉正南沿山腳東竄獲落後回逆七名訊之供稱余彥祿馬步千餘人擬赴王洪堡索糧仍回金積堡陳林因傷重未去十五日陝回果回金積維時金積甘回紛紛出巢撲近長濠希圖夾攻劉錦棠金運昌擊之

平定關隴紀畧

卷九

十

輒敗因議王洪楊明棗園三堡與漢伯堡狼狽相依皆在長濠之外宜併除之十六日各派步隊分左右路擊之馬隊分列以防溢賊專用螺絲礮連轟斃賊甚多而矢石雨注不能遠近是夜伏兵堡旁賊之潛出者皆被擒殺十七日督隊於長濠外復掘重濠而約黃鼎徐文秀會攻漢伯堡十八日猛攻久之未克已收隊回營劉錦棠惜棄前功督隊復往以火器護梯四面環攻旋擲火包延燒前寨柴草寨賊始亂後寨之賊潛出金運昌盡斃之十九日天明火熄據擒賊供逆目丁春已赴火自焚隨攻馬家寨亦未克二十四日夜忽報馬

家寨賊棄寨而逃追而殲之河干回營督修重濠圍攻益緊  
十月初一日官軍昇開花大礮安向東門測準轟之見堡內  
塵全大起喧嚷甚急半日始定是夜獲逃賊訊之供稱是日  
辰刻馬化澂登東城催修牆垛忽礮子飛穿城樓碎片擊斃  
五人馬化澂左耳受傷倒地昇歸醫治既而各營獲賊所供  
皆同劉錦棠念漢伯堡未克深以爲恥意欲攻之初五日劉  
錦棠黃鼎雷正綰徐文秀三路並進雙壽亦率馬隊前來劉  
錦棠督軍築兩壘兩卡各軍列陣營前堡賊倚牆開放排鎗  
拚死抗拒王洪堡復出騎賊來援余虎恩雙壽馬隊截擊敗  
平定關隴紀畧

卷九

主

遁午後壘卡並成賊之倚牆列隊者益密官軍以開花大礮  
連番轟擊悍賊傷亡已多逆目金大川中礮立斃而濠塹深  
闊未可飛越急令囊沙縛草爲填濠之備各營將士分伏濠  
外伺之二鼓堡賊穴牆出窺官軍齊起奮擊其得脫者馬隊  
截之洋麻湖倖免無幾中路各軍自八月二十三日攻克洪  
樂二小寨後馬玉澂詣營乞撫奉黃鼎面諭久不見報至二  
十九日乃再詣營請獻米姑寺兩堡並洪樂堡商定漫應之  
卽夜緘會北路出隊黃鼎雷正綰於九月初二日率徐占彪  
閻定邦蕭寶林移營前進適北路力攻陝回獲捷遂乘勝移

駐洪樂堡初九日黃鼎派黃有忠陳攀仙兩營雷正綰派李  
廣珠一營移紮西南半里間徐占彪朱蘭亭列隊護之已刻  
陝甘各回集眾萬餘來撲官軍禦之小勝陣斬偽元帥鄒麻  
子追至金積濠外朱蘭亭右膀中鎗子傷張友德王宗譜陣  
亡方將收隊賊乘勢復出黃鼎飛調李吉安冷玉超禦之雷  
正綰徐文秀調隊接應劉錦棠金運昌從後鈔擊賊遂大敗  
黃鼎雷正綰急督各營掘濠修壘因丁家馬家譚家十一堡  
未克不能合西北之圍初七日雷正綰飭所部分爲三支各  
攻一堡堡前作勢急攻堡後施梯潛上各軍如令行之果克  
平定關隴紀畧

卷九

主

丁家三堡斃賊數百生擒甘回頭目丁玉貴丁玉洪斬之其  
附近廖家三小堡亦棄堡而逃初九日圍攻譚家堡未克傷  
亡幫辦哨官六員並弁丁二百餘名黃鼎雷正綰徐文秀憤  
甚督隊蹂躪而上賊猶拚死格鬪血戰逾時始將堡賊殲盡  
生擒甘回頭目嚴鼎均嚴洪發莊紅等三名斬之時已薄暮  
令軍士傳餐少憩接攻馬家等堡各賊知勢不敵棄堡而逃  
惟馬家堡賊穩踞如故是時大風捲地軍士順風施放火器  
堡內房屋柴草延燒人聲鼎沸官軍四面緣梯而上賊潰圍  
紛竄官軍搜勦極多自是金積西南一帶堡寨大小百餘所

一律剷除十一日徐文秀徐占彪復移營進逼金積西門午刻金積賊眾傾巢出撲各軍力戰賊始敗歸十三夜四鼓陝回逕撲新壘苦戰卻之追至米姑寺河邊賊正搶渡官軍掩之斃賊千餘接攻秦壩關堡及下寨一鼓克之忽有另股逆回乘夜由中路各營中空之地衝出向漢伯堡遁去劉錦棠截而勦之約斃其半訊據賊供首逆余彥祿於竄出時受鎗子傷自左腮下穿入右耳邊透出昇至王洪堡氣絕黃鼎所獲賊供亦同而各處亦以此報則伏誅無疑矣此逆兇狡異常自陝西敗後以金積形勝率黨附之知其不可保及早去

平定關隴紀畧

卷九

三

之固自以爲得計矣而不知己身之死在金積未破之先又卽率眾逃死之日天果可逃乎哉余彥祿既死其黨於九月二十五日竄至半角城李旺堡一帶周紹濂會同李振國屈聖祥等勦之二十九日竄至倒洞子周紹濂迎擊之賊翻山遁野宿草間周紹濂乘夜襲之屍骸狼藉訊擒賊供此股係馬長順李映春丁三保丁普雲馬永等所帶欲往河州就食者也十月初二日派隊搜山復斃逆目丁三保等多名餘竄黑城子一帶署平慶涇道魏光燾調賊繞道竄西山羅家峴卽夜率所部追之五鼓抵羅家峴賊眾倉皇列隊勢已先頽

官軍奮力撲之應手而潰適已革山西臬司陳湜率檄馳至步賊遂淨惟騎賊之先逸者獲免要亦無幾此余彥祿之黨求緩死而反得速者也官軍既逼金積從外度之其城周九里有奇東自吳忠至靈州堡寨四百五十餘所僅存王洪楊明兩堡西自洪樂至峽口堡寨一百二十餘所僅存馬家灘四堡馬家灘者河中之洲四面皆水官軍旣無暇攻取亦不能濟賊緩急馬化澂可云窮感極矣所恃以支旦夕者堡牆高近四丈厚約三丈許堡中有堡爲首逆老巢黨眾呼之爲王城中間牆壁縱橫儲備盈足皆從前詐降後晝夜掘築刻

平定關隴紀畧

卷九

五

運以爲負固計者也逆黨之忍驚比馬化澂尤堅馬化澂每次求撫多爲其黨所持緣新教比老教尤毒自蘇四十三倡亂以後根株未淨或謂馬化澂卽蘇之遺孽縱不盡然然嗜亂輕生是其本性未可以常情例也此時馬化澂所望者祇河州陝甘各回而河回念切唇齒亦急欲東犯以緩官軍九月二十一日河州馬步賊三千餘名由康家岳水淺處偷渡洮河楊世俊率馬步五營護餉過安定探得確託設伏赤沙峴以待二十二日賊竄通安驛周道欽禦之眾寡不敵哨官向宏猷楊占元死之賊旋竄赤沙峴伏兵突起賊敗走石山

川二十三日楊世俊之軍追至石山川痛勦之賊復敗而四散潛踪回巢據擒賊供此股係馬阿渾劉阿渾馬二張狼嘴馬三師務五大頭目所帶因金積求援出巢探試者也而中路黃鼎等軍攻克漢伯堡後以西南數里張家泉全家堡地方尙存圍莊兩所初七日黎明各帶步隊往攻賊不虞官軍猝至閉門不及官軍衝殺而入兩莊之賊殲焉僅存王洪楊明兩堡雖經劉錦棠擒斬首逆而黨類尙多且爲漏網殘回遁逃之數商定會合進攻十一日四鼓各率馬步前進十二日辰刻齊集楊明堡外黃鼎雷正綰駐紮正東以備王洪堡

平定關隴紀畧

卷九

五

援賊金運昌徐文秀紮西南以杜堡賊外竄王衍慶運各洋礮列於東北劉錦棠督大隊護之各軍正揮鋤修壘賊遂依濠列隊尙未交鋒後膛礮已衝塌垛牆丈許賊懼縮入堡中時已薄暮矣十三日王洪堡賊率馬步來援黃鼎雷正綰等敗之追殺數里而還王衍慶連放礮衝塌寨牆五丈餘各軍奮撲濠邊攀援直上堡賊磚石紛下弁丁受傷者眾乃夤夜分伏濠中二更後賊放火焚巢突圍而出伏起斬賊目楊洪開楊十五於濠其衝過濠溝者馬步四面遮截無一漏網堡中老幼自焚軍械悉付火中僅存焦麥數十石而已官軍

平毀寨牆次日進抵王洪堡見堡牆堅厚有過楊明試以大礮不能洞入遂收隊而還值河州陝回崔三禹得彥竄擾平番縣境南宇兩營禦之於沙溝失利提督張萬美總兵彭清勝陣亡賊逼縣城經青海大臣豫師署莊浪協副將鍾本起督隊力擊賊向東北山溝遁去穆圖善馳至親督馬步追勦斃賊極多餘逆遂竄鎮番穆圖善令鍾本起另募勇五百名以資助守仍率所部回省左 恐該逆由阿拉善旗地繞竄甯夏河西以援金積檄飭諸軍預爲之備劉錦棠等會商馬家灘懸居河中恐爲援賊所踞宜先取之遂於二十一日

平定關隴紀畧

卷九

美

會師濟河二十四日將所有小堡小寨及附近圍莊一律掃除僅存兩堡連日進攻未克緣堡牆數重均係沙土築成不似磚石堅土易於著手地雷炸彈轟塌數處而賊處必死之地心力易齊隨坍塌隨補依然如故悍賊雖多死亡兩將領壯丁因仰攻而受傷者亦復不少左 念金積之賊困猶負固馬家灘堡又窮於力攻勞師愈久殺戮愈多因飭撫定陝回頭目劉秉信前往營中設法引導陸續投出老弱數百其壯丁則悉爲逆首所持欲出不能其已投出之回目馬清壽卽普洱阿渾當經安插平涼以資誘勸原不忍盡誅其人也

乃河州逆眾急思援救金積劉阿渾馬阿渾員創歸巢後挑選悍黨率馬步二千餘由三家集渡洮出柳林溝一由大寨子渡渭而南一由站灘出好麥川而北十月十五日楊世俊李耀南立率所部出囒口截之賊正偷過該處官軍突出截賊隊爲兩段未過者敗退而回已過者向北原狂奔官軍分起進擊各有擒斬追殺數里而還連日派勇偵探該逆潛伏山谷不知何往楊世俊等始回馬營監二十日該逆竄靜甯之蔡家堡與余彥祿殘黨丁步月米自元等合股並沿途勾結零匪共三四十名駐靜甯總兵蕭賞謙急率所部往勦慶

平定關隴紀畧

卷九

七

戰凡兩晝夜斃賊百餘名卒以眾寡不敵致挫還防迨劉明燈殷華廷馬步兩營及親兵四哨奉檄馳至賊已望風而遁追及於通渭之董義堡會同李耀南擊之賊敗向秦州之蓮花城南趨楊世俊李耀南誦而擊之於邵家堡該逆列隊抗拒另伏悍賊於李家川以圖鈔截楊世俊登高見之將伏賊先行勦除麾步隊直擣中堅血戰數時之人弁勇頗有傷亡適馬隊鈔出賊後合勢圍殺賊眾駭奔官軍奮勇追殺賊屍枕藉川流爲斷墜壑者尤不知數連日搜殺所至無遁據擒賊供此股自金積竄出經官軍連次擊敗與河回合竄張家

川其領員丁步月沙自元丁以全馮奇等均於陣前伏誅劉阿渾馬阿渾及僞元帥伍老三沙成均分散潛逃急派勇四路偵探楊世俊一面率隊出秦安得回報賊匿崔家磨等處即乘夜往襲陳台劉三元周道欽等率步隊繼之初三日黎明齊集賊尚未覺遂將崔家磨之賊圍殺淨盡孫寺灘鐵爐坡賊黨求援官軍乘勝猛擊之斃者無算生擒僞領員馬開忠等斬之餘賊向禮縣狂奔復經李輝武迎勦於蔡家河殘股散入南山藏匿官軍晝夜追勦至是已歷兩旬亦可云苦戰矣比經會銜奏請

平定關隴紀畧

卷九

天

獎卹乃該逆遁入南山後遂脅各處回眾人數漸增劉明燈蕭賞謙殷華廷等疊奉嚴檄冒雪搜捕周開錫亦派虎威等營會勦閏十月中旬賊竄徽兩之間經駐兩當之提督胡國珍總兵蕭德林擊敗竄至石家灘李輝武設伏敗之賊棄驢馬翻山四竄李輝武縱兵追擊斬馘愈多生擒逆目趙福玉蘇成喜等斬之賊遂敗而北竄劉明燈蕭賞謙殷華廷田連考謝復雲等預料其南竄不遂必折回張家川以有撫回李得昌爲之宗主也乃先據隴州之若絲灣石莊子兩處扼險待之十八日敗賊果至蘇家河是夜三更會大營之親兵四

哨疾馳前進十九日黎明齊集賊方出谷乍見而驚官軍奮  
威衆之所驚甚夥賊翻山而逃官軍連夜追殺賊東西分竄  
復經總兵邵永齡副將王光發截之唐家河稍有擒斬戴定  
邦再截之於三寨鎮而陳湜所部又截之於靜甯之合水川  
賊竄安國鎮楊芳桂等痛剿之遂星散不復成股因分別收  
撫而此股已無回巢之賊其自平番竄鎮番一股亦經遊擊  
韓廷芝等迎擊而敗餘衆遁往柳林湖其地愈西聲息益隔  
金積逆巢旦夕垂破已不能待其救援延至十一月中旬糧  
已淨盡馬化澂乃自詣軍門哭泣請罪劉錦棠等商定羈之  
平定關隴紀畧 卷九

无

幕中一面平其堡寨飛稟請示左 據稟馳奏疏云竊北  
路中路諸軍會攻馬家河灘所餘兩堡晝夜更番猛撲及撫  
定回目劉秉信救出難回數百口回目馬清壽挈眷投出各  
情形已於十一月十一日馳報馬家河灘之賊經各軍更番  
痛剿死傷山積劉錦棠等復增築礮臺逼之賊於堡內穴地  
而出夜襲礮臺又經蕭章開何作霖徐占彪等殲之臺下堡  
賊窘急乞降然令其繳械毀堡則仍疑懼不決聞十月二十  
二日據劉秉信引出之賊供稱陝回飢困日甚羣思冒險竄  
遁見官軍方聚攻馬家河灘金積東北濠牆之守必虛圖於

夜間猛撲突圍而出劉錦棠黃鼎雷正綰金運昌徐文秀等  
會商初更抽隊潛伏牆內靜以待之夜半月上賊二三千由  
堡根潛趨東北直抵濠邊見牆上更鼓稀疏人語靜悄乃越  
濠攀堞而上官軍鎗礮齊施開壁縱擊斃賊無數賊敗歸巢  
黃鼎雷正綰徐文秀等復截之半途計斬賊近千名生擒二  
十餘名訊稱陝回馬大師已斃於陣馬化澂之死黨譚生成  
受鎗子傷甚重劉錦棠旋於金積東門外搶紫兩壘併築礮  
臺俯瞰賊巢黃鼎復擬抽隊逼紫西門賊益恟懼不知所爲  
嗣是堡內堡外老弱婦女日詣劉秉信所駐濠外號呼救命  
平定關隴紀畧 卷九

手

慘不忍聞詢知賊中惟馬化澂親屬及其死黨尚有存糧陝  
回之能戰及堡賊之守堞者日給糧一勛近亦漸減此外皆  
以草薪黍根雜牛皮死屍爲食首逆陳林情急因劉秉信求  
陷於官軍劉錦棠黃鼎雷正綰徐文秀等若覺應之十一月初  
十日陳林聞興春于兆林馬振江金明堂馬化鳳黑清泉等  
挈老弱婦女八千餘赴黃鼎雷正綰營外長濠跪求收撫自  
言易子析骸逃生無處之慘聲淚俱下且言官軍如准收撫  
餘衆該頭目等死亦心甘劉錦棠黃鼎雷正綰徐文秀等數  
其罪孽令悉數呈繳馬械聽候轉稟撥其男丁分起安竄各

營婦女則安寘外濠之外給以賑糧聽候安插馬化澂見官軍已撫陳林等遂求陳林轉稟願撥馬家河灘糧食二百石給濠外婦女求撤馬家河灘之圍劉錦棠等許之責馬家灘悉繳馬械即日自平堡牆聽令比因收繳馬械入堡檢視見堡內之馬已悉數轟斃殘賊穴地而居以死馬雜衣被氈絮器物填塞轟坍各口遮抵鎗礮堡賊四五千存者不過千餘精壯者不過數百然皆身無完膚也仍令暫居故處十五日馬化澂復求陳林轉稟請平王洪堡堡目王洪前已伏誅回民馬三仲王鵬等自毀其堡以堡眾降劉錦棠收其馬械亦

平定關隴紀畧

卷九

三

令仍居故處馬化澂因已就撫料必無他十六日親身赴劉錦棠營濠外伏地叩頭令隨行一人踰橋遞呈具言罪民所犯情罪自知不赦叩懇恩施如蒙念族眾無辜者多轉稟曲宥僅以罪民一人抵罪死無所恨劉錦棠令開壁納之一面馳告黃鼎雷正綰金運昌徐文秀王衍慶等會商所以處之者諸將士怒其久抗顏行羣思縛而磔之以報私仇而雪公憤黃鼎雷正綰諭慰再三定議飛稟請示劉錦棠即寘馬化澂於幕旁派弁監護之一面飭馬化澂速繳鎗礮畜械丁壯不許持寸鐵自平堡寨牆垣地上不准留壤土開造戶口名

冊候示遵辦二十四日臣接來牘再四籌維西陲之不靖於今九年關隴諸回率視金積爲嚮背其狡謀兇醜實異尋常馬化澂非窮蹙至極必不輕言鋒鏑以求生今既隻身來投並非誘致則操縱在我因而誅之不可謂武且馬化澂乞撫之詞顯欲一身塞責市德諸回爲要結人心之計因而誅之亦且墜其術中卽於來牘批示令馬化澂本堡馬械繳盡牆垣毀盡後接辦王家壠通昌通貴各堡撫局再辦河州西甯撫局如皆盡繳馬械盡平堡寨撫局有成再當具奏請

旨陝回陳林就撫後各陝回聞風而至統計陝回男婦大小

平定關隴紀畧

卷九

三

共一萬一千有奇老弱婦女近九千名除馬長順一股數十名因其眷口爲宋軍俘獲現尙留昌貴二堡尋覓眷口外餘均分三起解赴平涼聽候安插自此甯靈一帶無陝回蹤跡矣臣前於平涼縣大岔溝邢家溝北原安插陝回戶口數千給以賑種其餘荒絕地畝雖多然不成片段又平涼係入甘肅大道居關隴之中北達甯夏南通秦鳳東連涇原邠甯西趨金城湟中形勢最要不宜多居種人勘得平涼華亭交界之化平川寬六七里長三十餘里窩洞三百餘兼有破屋土沃水甘人跡斷絕可安插萬餘丁口近挑已撫回民稍壯者